

24.1.2019

Haldättäs kiäsá meddâl ovdâskoddeest ILO 169 -sopâmuš ratifisistemoovdânpyehtim

ILO 169 -sopâmuš ratifisistem ij ovdán taan haldättâspaajeest. Staatâräädi adelij onne ovdâskoodán kirjálíi čielgim, main tot kiäsá meddâl ive 2014 adelum haldättäs oovdânpyehtim jiečânâs enâmij algâ- já hiäimuaalmugáid kyeskee almosopâmuš ratifisistmist. Haldättäs oovdânpyehtim lii teknisávt puárásmum eres lahâasâtemnubástusâi keežild.

Sopâmuš ratifisistemoovdânpyehtim lii lamaš ovdâskode kiedâvušmist ive 2014 rääjist, kuás tom iä kiergânâm kiedâvuššâđ ovdil ive 2015 ovdâskoddevaaljâid. Haldättäs oovdânpyehtim lii teknisávt puárásmum eereeb iärásij Meccihaldättâsân kyeskee lahâanubástusâi tiet. Tastko vuáđulahâváljukodne lii jo adelâm smiettâmušâs ääšist, te haldättäs oovdânpyehtim ij innig pyevti tievâsmittid.

ILO 169 -sopâmuš ratifisistem váđáččij uđđâ haldättäs oovdânpyehtim valmâštállâm oovtâstargoost sämitiggijn. Keevâtlávt valmâštállâm iä kiergân toohâđ taan haldättâspaajeest. Riehtiministeriö lii ráđádállâm ääšist Sämitiggijn.

Oovdânpyehtim meddâl keessim ij siskeeld uáivil tast, ete ratifisisteh-uv sopâmuš mañeláá.

ILO 169 -sopâmuš ratifisistem, tave-eennâmlâš sämisopâmuš já sämitiggelaavâ uđâsmitteh puátih čuávuváá haldättäs kuorâttállâmnaál.

Lasetiäđuh: ráđádâlle virgeolmooš Yrsa Nyman, puh. 02951 50293, šleđgâpostâ häämist: ovdânommâ.suhânommâ@om.fi